

SIARAN MEDIA

PROGRAM SUBSIDI UJIAN MAMOGRAM: LPPKN BANTU WANITA PERANGI GEJALA KANSER PAYUDARA

BERTAM, 8 OKT. – Lembaga Penduduk dan Pembangunan Keluarga Negara (LPPKN) di bawah Kementerian Pembangunan Wanita, Keluarga dan Masyarakat terus membantu kaum wanita memerangi gejala kanser payudara melalui Program Subsidi Ujian Mamogram sempena Oktober Bulan Kesedaran Kanser Payudara 2022.

YBhg. Dato' Azman Bin Ibrahim, Pengarah Pembangunan Negeri Pulau Pinang, ketika merasmikan Program *Pink October*: Bulan Kesedaran Kanser Payudara LPPKN 2022 di Mydin Mall menyeru para wanita agar lebih peka dan sedar tentang kepentingan menjaga kesihatan terutamanya berkaitan kesihatan payudara.

Sehingga 30 September 2022, pelaksanaan Program Subsidi Ujian Mamogram LPPKN merekodkan sebanyak 452,741 ujian mamogram telah dijalankan. Daripada jumlah tersebut 409,245 kes adalah normal dan 43,496 kes di kategorikan di bawah penyiasatan lanjut yang memerlukan pemeriksaan susulan dan sebanyak 898 kes telah disahkan positif kanser payudara.

Justeru Dato' Azman menggesa kaum lelaki untuk turut serta memainkan peranan aktif sebagai pendorong kepada isteri, ibu dan ahli keluarga wanita yang lain untuk tampil menjalani pemeriksaan kesihatan payudara demi kelangsungan dan kesejahteraan sesebuah keluarga.

Sebagai makluman, ujian saringan mamogram diberikan secara percuma kepada wanita berkelayakan berumur 40 tahun – 70 tahun yang berpendapatan isirumah RM10,000.00 dan ke bawah. Bagi mendapatkan manfaat subsidi ujian mamogram, para wanita boleh mendaftar di Klinik Nur Sejahtera LPPKN yang berdekatan di seluruh negara.

Turut hadir pada majlis ini, Hairil Fadzly Md. Akir, Timbalan Ketua Pengarah Dasar LPPKN dan Dr Azizuddin Mohd Yussof, Pengarah Bahagian Reproduksi Manusia LPPKN.

####

Disediakan oleh:
UNIT KOMUNIKASI KORPORAT
Lembaga Penduduk dan Pembangunan Keluarga Negara
(Rosmonaliza Abdul Ghani – 019-233 3415)